



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Sacramentis In Genere

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VIII. Sexta claßis ex ratione.

[urn:nbn:de:hbz:466:1-53925](https://nbn-resolving.de/urn:nbn:de:hbz:466:1-53925)

Inne fide actuali per ipsum Sacramentum saluentur, infideles esse. Ex quo intelligimus, eum non hyperbolica encomia, sed dogmata fidei tradere Denique si diceret Calvinus, unum aut alterum ex Patribus Hyperbole utrum in oratione laudatoria, posset tolerari. Ad quod omnes Græci & Latini, non modò in concionibus, sed etiam in libris dogmaticis, vel epistolis, vel commentarijs Scripturarum hyperbolice loquuntur, nullo modo credibile est.

Kemnitius in 2. parte Examinis, pag. 98. dicit Scripturam aperte tribuere vim iustificandi Sacrementis: nec esse a loco per tropos detorquenda in alium sensum, & sic à Patribus se intellecta, tamen postea exponit omnia de efficientia per excitationem fidei, quod iam refutauimus.

CAPVT OCTAVVM.

Sexta classis ex ratione.



ST autem OBSERVANDVM, vt facilius intelligatur efficacia rationū, duplia esse verba, & significata, cetera. QVAEDAM enim sunt non ad aliud finem instituta, quam ad significandum, quæ quidem theoretica signa dici possunt. ALIA sunt instituta ad significandum, & efficiendum aliquid, quæ ob id practica dicti possunt. Differunt autem quod priora nihil immediate, & vi sua operentur, sed solum repræsentant obiectum, & si forte sequitur effectus aliquis, non sequitur ex vi illius signi, sed aliunde; posteriora immediate operantur, & sua quadam virtute; Verbi gratia, cum quis moneret alium, adesse hostem, illi continuo fugit; ceterum illius fugæ non est causa immediata illa admonitio, sed apprehensio rei noxiæ; proinde admonitio signum fuit prioris generis. Pari ratione, qui viso signo hospitiij currit ad hospitium, non mouetur ab eo signo immediate, sed ab apprehensione terum quibus indiget, & quæ illud signum repræsentat: proinde illud etiam non est proprium signum practicum, ut hic accipimus. Nam aliquando solus vocare signa practica omnia illa, quæ referuntur ad opus, siue mediate, siue immediate; quomodo accipiebatur in disputatione de intentione ministri: Tunc enim vocabamus practica omnia verba imperatiua: at hic ista vocamus theoretica; practica autem dicimus, quæ præter significationem ha-

bent efficientiam, quomodo sigillum est verè signum practicum, quia non tantum representat imaginem, sed etiam eam imprimit in cera.

Cognoscuntur autem hæc varia signa ex alio discrimine. Nam verba & signa theorica non adhibentur nisi intelligentibus: cùm enim non operentur, nisi representando aliquid menti, stultum esset ea signa adhibere, vbi non est usus mentis. At verba, & signa practica possunt adhiberi etiam rebus inanimis, & non modo non intelligentibus, sed ne sentientibus quidem; quomodo in Scripturis Iosue imperauit soli; & lúnæ Ios. 10. Sol contra Gabaon ne mouearū, & luna cōtra vallem Hailot, Matth 8. Dominus imperabat mari, & ventis, Matth 9. Luc. 7. & Ioan. 11. imperauit mortuis. & Petrus Aetor. 9. Tabita, inquit, surge. Matth. 17. Si habueritis fidem, sic cur granum sinapis, dicet uero monti huic, Transi hinc. &c. Sic etiam quod attinet ad alia signa, Moyses percussit petram, ut daret aquas: Exod. 17. & Dominus misit digitos in auriculam surdi, & muti, & tetigit etiam linguam eius, ut eum curaret.

Controuersia igitur est inter nos, & hæreticos, quod illi faciunt Sacramēta, signa prioris generis, dum affirmant ea non iustificare, nisi excitando fidem: nos facimus generis posterioris. Quare si ostendere poterimus, Sacraenta esse signa posterioris generis, obtinuumus cauſam.

Sit ergo PRIMA RATIO, Sacraenta rectè adhibentur non intelligentibus; ergo sunt signa posterioris generis, & verè iustificant non excitando fidem more concionis, sed immedia- rē efficiendo sanctitatem. Consequentia manifesta est ex dīctis. Antecedens probatur, quia baptizantur ritè infantes, surdi, amentes, dormientes. Exemplum insigne est apud Augustinum, lib. 4. Confess. cap. 4. de quodam baptizato, dum vi morbi extra se positus esset, & omnino ignoraret, quid erga se fieret: cui tamen Sacramentum utilissimum fuit. ADDE quod Concilium Carthaginense IV. can. 76. Arausicanum I. can. 12. Augustinus, lib. 1. de adulteriis coniugij, cap. 26. & 28. & Leo epist. 91 ad Theodorum, docent Sacraenta Baptismi, & Absolutionis, posse conferri etiam ijs, qui in periculo vitæ sunt, licet ipsi vi morbi oppressi nō habeant ysum rationis, vel sensuum: modo constet eos antea desiderasse eiulmodi Sacramēta. At certè istis non nisi ineptissimè fieret concio, aut signa adhiberentur ad excitandam fidem,

SIC VEN.

SECUNDA ratio. Verba & signa Sarcamentalia pendent diuina institutione, neq; ab hominib^o propria auctoritate instituti potuerunt: ergo non sunt mera signa, vt verba concionis, sed signa practica, & vim habentia aliquid supernaturale efficiēdi. Antecedens cōceditur ab aduersariis, vt supra demonstratum. Probatur consequentia; quia si verba & signa Sarcamentalia essent nuda signa ad excitandam mentem constituta, potuissent ab hominibus facilimē institui, & eandem vim habuissent. Non enim refert ad nudam significationem quis illa instituerit, modò representent idem obiectum. Quem enim refert, quis posuerit signa in hospitijs? & nunquid se eodem modo significant verba Hebraica à Deo scripta iobulata, & verba Græca, vel Latina scripta ab hominibus? non etiam modo eodem incitabant ad bellum tubæ, quas Deus tri iussit, Num. 10 & tubæ prophetae Ethnorum? Eodem modo, si Petrus aut Paulus, aut quiuis alijs instituerit baptismum, & Eucharistiam, eandem vim haberent illa signa quam modò habent. Quod certè nō potest dici secundū Catholicorum sententiam, qui volunt hæc Sarcamenta non solum significare, sed etiā efficere id, quod ex se non potuissent.

TERTIA ratio, Sarcamenta non solum pendent à Deo in institutione, sed etiam in ipso usu? ipse enim est, qui per ministros suos baptizat, consecrat, absolvit, &c. ergo nō sunt nuda signa ad excitandam fidem instituta, vt conciones, sed aliquæ præterea efficiunt. Antecedens conceditur ab aduersariis, probatum est supra in quæstione de caussa efficientia Sarcamtorum, ex illo Ioan. I. *Hic est qui baptizat*, ex Chrysostomo homil. 83. in Matthæum, & Augustino, tract. § in Ioann. & ex alijs. Probatur consequentia. Nam vt verba, & signa tera solum significant, & animum excitant, repræsentant nihil refert a quo procedant. Siue enim dominus, siue servus loquatur, idem semper verba eadem significant; nec magis citat signum tubæ ad bellum, si tuba infletur ab imperatore quam a tubicine. Ergo si signa Sarcammentalia necessario pendent à Deo, vt caussa principalis, quæ per ministros operari fateri cogimur, ea non solum significare, sed etiam aliquid efficere.

QUARTA ratio. Sarcamenta non solum pendent à Deo, vt institutore, & principali agente, sed etiam a Christi passione, & morte, vt supra probauimus in principio quæstions de causa.

causa efficiente Sacramentorum: propter quod Patres com-
muni consensu, docent Sacraenta fluxisse à Christi latere
perfonso. Vnde etiam multiveterum docent, Christum bapti-
zati voluisse, ut tactu suæ mundissimæ carnis daret aqua
vix mundandi, ut Ambrosius lib. 2. in Lucam, cap. 12. Nazia-
zenus oratione in sancta lumina, Chrysostomus homil. 25. in
Ioannem, Beda in cap. 3. Lucae, & alij, & ipse etiam Lutherus
in homiliis de Baptismo idem fatetur. Ergo non operantur
Sacraenta solum repræsentando obiectum, more concio-
nis, sed verè efficiendo: nam alioqui nō equiſſent Christi me-
ritis, nec ullam eis virtutem Christus dedit. Et sicut concio
non rectè diceretur manasse ex Christi latere, nec dicitur Christus
dedit ullam virtutem concioni ad significandum, quia
id ex se habent verba, ita non rectè diceremus, Sacramēta pro-
diſſe ex Christi latere, vel Christum eis vim ullam dedit.

Q. V. I N T A ratio. Sacraenta instituta sunt, ut nos certos
reddant remissionis peccatorum, & gratiæ Dei, ergo non so-
lum operantur obiectuè repræsentando more concionis, sed
efficiendo reipſe quod significant. Antecedens admittitur ab
omnibus, sed maximè ab aduersariis. Catholici enim docent,
ex Sacramentis gigni in nobis moralem quandam certitudinem remissionis peccatorum, non tamen infallibilem. Tam-
et si enim Sacraenta ex se infallibiliter efficacia sint, tamen
potest fieri, ut nobis non sint efficacia ob nostram indisposi-
tionem, At aduersarij volunt absolutam certitudinem gigni
ex Sacramentis: & nos reprehendunt, quasi iubeamus homi-
nes dubitare de efficacia Sacramenti; ut patet ex Luthero, in
lib. de captiuitate Babylonica, cap. de Baptismo, ex Kemnitio
in 2. parte Examinis, cap. de intentione ministri; & ex aliis.
Probatur consequentia; nam si Sacraenta solum operaren-
tur significando, & excitando fidem, nullam adferrent certi-
tudinem. Penderet enim tunc Sacramentum à nostra fide,
non à Christi institutione; quod est tollere veram certitudinem
efficaciam Sacramenti, ut Lutherus fatetur in lib. contra
Anabaptistas, edito anno M. D. XXVIII ubi fusè persequitur,
Sacramētu non debere pendere à fide dantis, vel accipiētis,
sed à sola Dei institutione, ne incerta reddatur eius efficacia.
Nec potest responderi, Sacraenta adferre certitudinem
infallibilem, quia infallibiliter excitent fidem; quæ infalli-

O

bili-

biliter iustificat: siquidem experimento contrarium deditis. Quot enim sunt, qui baptizantur, & tamen non credunt? & si concio, quæ est efficacior sacramentis, ipso etiam Luthero in libro cōtra Cochlaeū, non excitat fidem infallibiliter, ut experimur; quanto minus sacramenta infallibili fidem excitabunt? Ergo si ullam certitudinem sacramenta ferunt, id est, quia ex opere operato efficiunt quod significant.

S E X T A ratio, sacramenta contrario modo se habent fidem, ac verbum: non igitur eodem modo operantur. Batur antecedens. Nam verbum Dei præcedit fidem, sacramenta autem sequuntur, siquidem: *Fides ex auditu, Rom. 10.* Vnde verbum prædicatur infidelibus, & hæreticis quibus cunque, ut incipient credere. At sacramenta requirunt fidem saltem in adultis, nec possunt recte conferri, nisi ius, quippe credunt. Vnde Act. 8. cū Eunuchus diceret: *Ecce aqua prohibet me baptizari?* respondit Philippus: *Si credideris tocorde, lices.* Et semper in Ecclesia consuetudo fuit, ut qui Christiani esse vellent, primum fierent Catechumeni, & latius instruerentur, & non nisi instructi, & firmi, ac stabiles in die baptizarentur. *Iustini vs in Apologia ad Antoninum aplocaans mores Ecclesiae:* *Quicunque, inquit, persuasi fuerint, crediderint vera esse, quæ à nobis traduntur, et ducunt per vivere se ita posse repperint; orare ieunantes, et petere Deo priorum peccatorum remissionem iubentur, nobis enim una, et orantibus, et ieunantibus: deinde adducunt à nobis, ubi aqua est, atque eo regenerationis modo, quod regenerati sumus, regenerantur.* Hæc ille. Ex quo sequitur non modò falsam, sed etiam ineptissimam esse hæreticon sententiam.

S E P T I M A ratio, sacramenta non minus sunt efficacientur lingua Græca, aut Latina, quam non intelligat, qui sacramentum suscipit, quam si dentur lingua vulgari, quam minus intelligent; Ergo non operantur more concionis, sed habent affectum suum præter fidem excitationem. Consequens patet, quia si operarentur more concionis, nihil efficierentur darentur lingua vulgari. Antecedens probatur, quia Lutherani, & Calvinistæ admittunt nostrum Baptisma, quod tempore datur lingua Latina, non enim rebaptizant à nobis baptizatos.

Octava

OCTAVA ratio, si Sacra menta operarentur excitando fidem, non esset illa causa cur adhicerentur hominibus doctis, qui legere possunt Scripturas, vel etiam imperitis, qui audiunt conciones: multò enim melius excitat fidem Scriptura, & concio, quam Baptismus, vel Eucharistia. Itaque præstaret loco Baptismi legere unum caput ex Bibliis. ADDE, quod etiam imago Baptismi in tabula depicta posset idem facere, quod facit Baptismus; nam facit visibilem promissionem, & excitat fidem: & hoc præstat Baptismo, quod manet semper, cum Baptismus, semel fiat, & transeat.

NONA ratio, Sacra menta non prosunt nisi suscipientibus; etiamsi multi alij præsentes sint, & audiant, & videant quæ geruntur: alioqui non esset opus, ut singuli baptizarentur, & communicarent corpori Domini, sed satis esset, ut unus baptizaretur, & communicaret coram tota multitudine, ergo non operantur more concionis, excitando fidem. Consequentia patet. Nam si operarentur more concionis, proderent omnibus audientibus: omnes enim excitari possunt ad fidem, qui adsunt, dum pronunciatur promissio Dei, & signo visibili ante oculos ponitur. Neque refert, quod Sacramentum solum dirigì videtur ad unum. Nam etiam concio potest dirigi ad unum, & tamen omnes audientes excitat.

PRÆTEREA dum minister baptizat, ac dicit; Ego te baptizo, non vult dicere, Ego te abluo a peccatis (secundum Lutheranos) sed, Ego testificor tibi remitti peccata, ut Melanchthon exponit in locis, cap. de Baptismo, & Caluinus lib. 4. Instr. cap. 15. §. 15. & omnes alij exponere coguntur. Porrò hæc testificatio non prœdest ei, qui baptizatur, nisi quia interim cogitat, & credit, Deum sibi esse propitium per Christum, ut ipsum fatentur. Possunt autem omnes, qui adsunt, idem cogitare, & credere: siquidem promissio est communis, & quod unum dicitur, omnibus conuenit. Non enim ideo illi, qui baptizatur, Deus est propitius, quia baptizatur (ex Lutherañorum sententia) sed ideo vera est testificatio Baptismi, quia Deus illi est propitius, modò per fidem apprehendat hanc Dei benevolentiam.

DECIMA ratio, si Sacra menta solum operarentur significando, nihil interesset inter nostra Sacra menta, & Sacra menta teteris legis: nam etiam illa significabant Christi gratiam;

& remissionem peccatorum, & excitare poterant fidem idem esse fallum in sequenti quæstione demonstrabimus.

CAPUT NON V.

Soluuntur obiectiones ex Scripturis de promulgatione

SOLOVENDA sunt argumenta Lutheri, Philippi Caluini, Kemnitij, & aliorum: quæ quidem partim sumuntur à Scripturis, partim à Patribus, partim à ratione.

Vt igitur a PRIMA classe argumentorum incipiamus. MVM argumentum sumitur ex Habacuch 2. & Roman. 1. Hebr. 10. Iustus ex fide viuit, inquit Scriptura non autem cit, Iustus ex Sacramentis viuit; igitur Sacra menta non significant, nisi excitando fidem. Confirmatur ex similibus locis ut Rom. 4. Credidit Abraham Deo, et reputatum est illius iustitiam. Et Rom. 10. Corde creditur ad iustitiam, & non a dedit Paulus; Et corpore suscipitur Sacramentum ad iustitiam. Ita Lutherus in Babylone, cap. de Baptismo, & in altero articulo.

RESPONDEO PRIMO, non dicit Scriptura, Iustus ex fide viuit, proinde relinquitur suus locus Sacramenus aliqui non solum Sacra menta, sed etiam Deus, & Christi meritum, & alia excluderentur, quæ neque ipsi Lutherani volunt: non enim ait Scriptura, Iustus ex Deo viuit, aut ex Christi merito viuit.

SECUNDO, et si his verbis Scriptura non dicit, iustum ex Sacramentis vivere; tamen idem dicit aliis verbis. Nam ait, hominem per Baptismum regenerari, Ioan. 3. & Tit. 3. Aliud dicit, nisi Baptismum dare vitam?

TERTIO, verba illa Prophetica: Iustus ex fide viuit: non significant ad literam, Iustum hominem fieri, aut reputari ex fide, ut Lutherani volunt; sed significant, Iustum ex fide qui habet, constanter exspectare, quæ Deus promisit, & non frangi, aut deficere, etiam si promissiones tardari videantur. Hoc esse verum sensum non dubitabit, qui expendet locum Habacuch, & Pauli ad Hebraeos, uterque enim tractat de patientia & longanimitate: Si moram fecerit, inquit Propheta, &c.